

1609_387r.jpg

Suite de l'Histoire de la Paix. 387

Ils presenterent à l'Assemblée leur dite transaction pour l'approuver: Le Comte de Zollern que l'Empereur y auoit enuoyé empêcha le plus qu'il pût que l'on y fit réponse: Mais les lettres du Roy Tres-Chrestien veuës, qui approuuoient ladite transaction faite entre les seuls & vrais heritiers, & portoient promesse de tout secours, firent que la plus grande part de l'Assemblée desdits Conseillers approuua la transaction des Princes, lesquels par ce moyen se rendirent maistres de tous les pays qui sont au delà du Rhin, appartenants à ladite succession.

1609.

Sont recon-
gneus pour
Seigneurs.

Quand au Gouverneur de Iulliers (pays situé au deçà du Rhin) ayant esté gagné par la maison d'Austriche, & voyant que l'Assemblée enclinoit à la recognoissance des Princes, il partit clandestinément de Dusseldorp & retourna à Iulliers, meit garnison à sa deuotion dans le chasteau, s'empare de quelques places, & manifestement se declare opposant & ennemy des Princes.

Le Gouver-
neur de Iul-
liers se retire
del' Assem-
blee de Duf-
seldorp.Se fortifie
dans Iulliers.


En ce mesme temps les funerailles du Duc de Cleues furent faiçtes: l'Assemblée de Dusseldorp congediee; & la veufue du Duc reconduite en Lorraine par son frere le Comte de Vaudemont.

Peu apres l'Archiduc Leopold de Euesque de Strasbourg & de Passav, passa en grande diligence & en habit desguisé & incogneu depuis Prague iusqu'à Iulliers, où il fut reçu par le Gouverneur, qui en signe de ioye fit tirer tout le canon du chasteau: Et peu de iours apres fit

L'Archiduc
Leopold de-
venu dans Iul-
liers.

Ccc ij

1609_318v.jpg



1609_387v.jpg




Image issue du site mercurefrancois.ehess.fr - Cliché (c) Cécile Soudan